



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

1. Benedictio vel exorcismus aquae calidae seu frigidae in qua manus ad judicium mittitur.

urn:nbn:de:hbz:466:1-22974

FORMVLÆ VETERES

EXORCISMORVM ET EXCOMMVNICATIONVM

Stephanus Baluzius Tutelensis in unum collegit, magnam partem nunc primum edidit, reliquas emendavit.*

CAPITVL A.

1. **B**enedictio vel exorcismus aquæ calide seu frigide in qua manus ad judicium mittitur.
2. Iudicium aquæ frigide.
3. Exorcismus aquæ ad judicium Dei demonstrandam.
4. Adjuratio ferri vel aqua ferventis.
5. Exorcismus panis hordeacij vel casei.
6. Ordo iudicij quo rei aut innoxij probatur ferro candenti.
7. Collectæ ad mala furtæ reprimenda.
8. Probatio à cunctis furtis probandis.
9. Exorcismus ad caldaria sive ad aqua.
10. Resolutio omnium maleficiorum.
11. Ad revocandum examen apum dispersum.
12. Qualiter Episcopus excommunicare infideles debat.
13. Item alia excommunicationis allocutio.
14. Item alia terribilior excommunicatio.
15. Excommunicatio hominum Balduini Comitis Flandrie.
16. Excommunicatio Ragenardi Comitis Senonensis.
17. Excommunicatio quam Sularius Episcopus Helenensis fecit adversus invasores rerum ecclesiasticarum.
18. Excommunicatio quam Salla Episcopus Vrgellenensis fecit adversus invasores rerum ecclesiasticarum.
19. Item de eadem re.

Incipit benedictio vel exorcismus aquæ calide seu frigide in qua manus ad judicium mittitur.

I. *C*VM homines vis mittere ad confirmationem iudicij aquæ calide, primum fac eos intrare cum omni humilitate in Ecclesia; & profractis in oratione, dicat sacerdos has orationes.

PRIMA ORATIO.

Auxiliare Domine quærentibus misericordiam tuam, & da veniam confidentibus. Parce supplicibus; ut qui nostri meritis flagellamur, tua miseratione salvemur. Per.

SECUNDA ORATIO.

Quæsumus omnipotens Deus, affliti populi lacrymas respice, & iram tuæ indignationis averte; ut qui reatum nostræ infirmitatis agnoscimus, tua consolatione liberemur. Per.

TERTIA ORATIO.

Deus qui conspicis omni nos virtute de-

stitui, interius exteriusque custodi; ut & ab omnibus adversitatibus muniamur in corpore, & à pravis cogitationibus mundetur in mente. Per.

His orationibus completis, surgat pariter, & coram hominibus illis cantet Presbyter Missam, & faciat eos ad ipsam Missam offerre. Cum autem ad communionem venerint, antequam communicent, interroget eos sacerdos cum adjuratione & dicat.

Adjuro vos, homines, per Patrem & Filium & Spiritum sanctum, & per vestram Christianitatem quam suscepistis, & per unigenitum Dei filium, quem redemptorem creditis, & per sanctam Trinitatem, & per sanctum evangelium, & per reliquias quæ in ista sancta Ecclesia sunt recondite, ut non presumatis ullo modo ad istam sanctam communionem accedere nec sumendo communicare si hoc vel illud fecistis, aut consensistis, aut aliquam veritatem inde scitis, seu qui hoc egit nostis.

Si

Si autem tacuerint, & nullam inde professionem dixerint, accedat sacerdos ad altare, & communicet more solito, postea vero communicet illos. Cum autem communicant ante altare, dicat sacerdos: Corpus hoc & sanguis Domini nostri Iesu Christi sit vobis ad comprobationem hodie. Explata Missa, descendat sacerdos ad locum destinatum, ubi ipsam examen peragatur. Deferat secum librum evangeliorum & crucem, & canat modicam letaniam; & cum compleverit ipsam letaniam, exorcizet & benedicat aquam ipsam antequam seruescat, ita dicens.

Exorcizo te creatura aquæ in nomine Dei Patris omnipotentis, & in nomine Iesu Christi filij ejus Domini nostri, ut fias aqua exorcizada ad effugandam omnem potestatem inimici & omne phantasma diaboli; ut si hic homo qui manum suam in te misurus est innocens extiterit de hac culpa unde reputatur, pietas Dei omnipotens liberet eum; & si, quod absit, culpabilis est, & presumptuose in te manum mittere ausus fuerit, ejusdem omnipotentis virtus super eum hoc declarare dignetur; ut omnis homo timeat & contremiscat nomen sanctum gloriae Domini nostri, qui vivit & regnat Deus per omnia secula.

ORATIO.

Domine Iesu Christe, qui es judex iustus, fortis, & patiens, & multum misericors, per quem facta sunt omnia, Deus deorum & Dominus dominantium, qui propter nos homines & propter nostram salutem de sinu Patris descendisti, & ex virginie Maria carnem assumere dignatus es, & per passionem tuam mundum in cruce redemisti, & ad inferos descendisti, & diabolum in tenebris exterioribus colligasti, & omnes iustos, qui originali peccato ibidem detinebantur, magna potentia tua exinde liberaisti, tu Domine quassumus mittere digneris Spiritum tuum sanctum ex summa coeli arce super hanc creaturam aqua, qua ab igne seruescere atque calesevere videtur, ut rectum judicium per eam super hunc hominem nomine illo comprobet ac manifestet. Te Domine Deus supplices deprecamur, qui in Cana Galilæa signo admirabilis tua virtute ex aqua vinum fecisti, & tres pueros Sidrac, Mifac, & Abdeneago de camino ignis ardenti illæfos eduxisti, & Susannam de falso crimine liberaisti, cæco nato oculos

Tom. II.

aperuisti, Lazarum quatriduanum à monumento suscitasti, & Petro mergenti manum porrexiisti, ne reficias peccata nostra in hac oratione, sed tuum verum & sanctum judicium coram hominibus in hoc manifestare digneris; ut si hic homo pro hac reputationis causa, furto videlicet, vel homicidio, aut adulterio, vel luxuria, aut pro qualibet causa culpa modo ad praesens manum suam in hanc aquam igne fermentem miserit, & culpabilis ex hac causa non est, hoc ei praestare digneris ut nulla læsio vel macula in eadem manu appareat, per quam sine culpa calumniam incurrat.

Iterum te, Deus omnipotens, nos indigni & peccatores famuli tui suppliciter oramus ut sanctum, verum & rectum judicium tuum nobis in hoc etiam manifestare digneris, quatenus hic homo ex hac reputationis causa, si per aliquid maleficium, diabolo instigante, aut cupiditate vel superbia incitante, culpabilis est in facto vel in confessu, & hoc comprobacionis judicium subverttere vel violare volens, malo confusus ingenio, manum suam in hanc aquam presumptuose mittere ausus fuerit, tua pietas taliter hoc declarare dignetur, ut in ejus manu dinoscatur quod iniquè egit; ut & ipse deinceps per veram confessionem penitentiam agens ad emendationem perveniat, & judicium tuum sanctum & verum in omnibus gentibus declaretur per te, redemptor mundi, qui venturus es judicare vivos & mortuos & seculum per ignem. Amen.

ITEM ALIVS EXORCISMVS.

Te autem, creatura aquæ, adjuro te per Deum vivum, per Deum sanctum, qui te in principio separavit ab arida, adjuro te per Deum vivum, qui te de fonte paradisi manavit & in quatuor fluminibus exire jussit & totam terram rigare precepit, adjuro te per eum qui te in Cana Galilæa sua potentia convertit in vinum, qui super te suis sanctis pedibus ambulavit, qui tibi nomen imposuit Siloha, adjuro te per Deum qui in te Nahaman Syrum sua lepra mundavit dicens, Aqua sancta, aqua benedicta, aqua qua lavas fordes & mundas peccata, adjuro te per Deum vivum ut te mundam exhibeas nec in te aliqua phantasma retineas, sed efficacis fons exorcizatus ad effugandum & evanquam & comprobandum omne mendacium & investigandam & comprobandum

S f

omnem veritatem; ut iste qui in te manum miserit, si veritatem & iustitiam habuerit, nullam lesionem in te accipiat; & si mendacium habet, appareat manus ejus igne combusta; ut cognoscant omnes homines virtutem Domini nostri Iesu Christi, qui venturus est cum Spiritu sancto judicare vivos & mortuos & seculum per ignem. Amen.

Post hec exuat eum vestimentis suis, & induat eum vel eos vestimentis mundis de Ecclesia, id est, indumento de Exorcista aut de Diacono, & faciat eos vel eum osculari evan gelium & crucem Christi, & asperget super eos de aqua ipsa; & ipsi qui intrarunt sunt ad Deum examen, det illis omnibus bibere de ipsa aqua benedicta. Cum autem dederit, unicuique dicat. Hanc aquam dedi tibi, vel vobis, ad probationem hodie. Deinde imponantur ligna sibenter caldaria, & dicat sacerdos has orationes quando ipsa aqua calidere caperit.

In nomine sancte Trinitatis. Deus iudex iustus, fortis, & patiens, qui es auctor & creator clementis & misericordis, & judicas iustitatem, tu iudica qui iustificatum iudicium facere, & recipis super terram, & facis eam tremere. Tu Deus omnipotens, qui per adventum unigeniti filii tui Domini nostri Iesu Christi mundum redemisti, qui per eum passionem genus humanum subvenisti & salvasti, tu hanc aquam ferventem sanctifica. Qui tres pueros, id est, Sidrach, Misach, & Abdenago sub Rege Babylonis Nabuchodonosor in camino ignis accensa fornace salvasti, & inflaslos per angelum tuum eduxisti, tu clementissime dominator praesta ut si quis innocens ab hujusmodi culpa seu causa sine reputatione homicidij, adulterij, latrocinijs fuerit, & in hanc aquam

manum miserit, salvam & inlesam inde educas. Qui tres pueros supradictos & Suffannam de falso crimen liberasti, ita Domine omnipotens, si culpabilis fuerit, & incrassante diabolo cor obduratum, manum in hujus tui elementi ferventis creaturam miserit, tua veritas hoc dedaret, ut in corpore manifestetur, & anima per penitentiam salvetur. Et si ex hoc sceleri culpabilis fuerit, & per aliquod maleficium aut per herbas aut per diabolicas intentiones hanc peccati sui culpam occultare voluerit, vel tuam iustitiam contaminare vel violare se posse crederit, magnifica tua dextera hoc malum evacuet & omnem rei veritatem demonstret. Per clementissime Pater, qui vivis & regnas in trinitate perfecta. Per omnia.

ALIA.

O R E M V S. Deus qui beatam Suffannam de falso crimen liberasti, Deus qui beatam Theclam de spectaculis liberasti, Deus qui sanctum Danihel de lacu leonum liberasti, & tres pueros de camino ignis ardantis eripiuit, tu libera innocentes, & consigna factores. Per Dominum nostrum.

Et qui manum mittit in aquam ad ipsum examen, dicat orationem dominicam, & signet se signaculo crucis, & festine deponatur ipsa aqua fervens de super juxta ignem, & iudea perpendat ipsam lapidem illigationem ad mensuram illi, infra ipsam aquam more solito; & sic inde extrahat eam in nomine Domini ipse qui intrat ad examen iudicij. Postea cum magna diligentia sic fiat involuta manus sub sigillo iudicis signata usque in die tertio, quo visa sit viris idoneis & scientiis.

Iudicium aquæ frigide.

II. *Cum homines vis mittere ad iudicium aquæ frigide ob comprobationem, ita facere debes. Accipe illos homines quos vis mittere in aquam, & deduc eos in Ecclesiam, & coram omnibus illis cantet Presbyter Missam, & fac eos ad ipsam Missam offerre. Cum autem ad communione venerint, antequam communicent, interrogat eos sacerdos cum adjuratione, & dicat: Adjuro vos homines per Patrem & Filium & Spiritum sanctum, & per vestram Christianitatem quam suscepitis, & per unigenitum Dei filium, & per sanctam*

Trinitatem, & per sanctum evan gelium, & per illas sanctas reliquias quæ in ista Ecclesia sunt, ut non præsumatis ullo modo communicare neque accedere ad altare si hoc fecisistis aut consensistis, aut fecis qui hoc egerit. Si autem omnes tacuerint, & nullus confessus fuerit, accedat sacerdos ad altare, & communicet, separatis illis qui examinandi sunt. Postea vero communicent illi quos vultis in aquam mittere. Cum autem communicant, dicat sacerdos per singulos ante altare: Corpus hoc & sanguis Domini nostri Iesu Christi sit tibi ad probationem